

Schwarz-Schilling: Bonske ovlasti moraju imati podršku vojnih snaga



Visoki predstavnik i specijalni predstavnik Evropske unije Christian Schwarz-Schilling danas je pohvalio EUFOR zbog značajne uloge u pružanju osjećanja sigurnosti, koju EUFOR ima u Bosni i Hercegovini, te naglasio da bonske ovlasti moraju imati podršku vojnih snaga.

«EUFOR ima osnovni značaj u procesu izgradnje povjerenja», rekao je povodom oproštajne svečanosti koja je u njegovu čast održana u bazi Butmir u Sarajevu.

«Čini se da neki smatraju kako je sada moguće proglašiti pobjedu i postepeno okončati angažman EUFOR-a u BiH. Ja cijenim njihovo mišljenje, ali ga ne dijelim», dodao je Christian Schwarz-Schilling. «Kao visoki predstavnik smatram da korištenje bonskih ovlasti mora imati podršku vojnih snaga».

Pored toga što sam po sebi predstavlja ključan faktor, Christian Shwarz-Schilling je naglasio i da je EUFOR takođe i važan član EU porodice: «Ponosan sam na rad svih članova te EU porodice, kao i na način na koji međusobno sarađujemo na izgradnji bolje budućnosti za Bosnu i Hercegovinu».

Na ličnom planu Schwarz-Schilling je rekao da napušta svoju poziciju «sa velikom tugom», naglašavajući da je Bosna i Hercegovina bila važan dio njegovog života od momenta kada se, 1992. godine, prvi put počeo baviti dešavanjima u zemlji.

“Bosna i Hercegovina će zauvijek ostati u mom srcu,” zaključio je visoki predstavnik i specijalni predstavnik Evropske unije.

Cjelokupan tekst [govora](#) može naći na [www.ohr.int](#) i [www.eusrbih.org](#).